



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1845

DCLXXXVIII. Otto, Herr von Dänemark und Herzog von Estland und Laland,
läßt mit Zustimmung seines Bruders, zur Mitgift für Margaretha, seine
Schwester, dem Markgrafen Ludwig von Brandenburg das Land ...

Nutzungsbedingungen

[urn:nbn:de:hbz:466:1-56193](https://nbn-resolving.org/urn:nbn:de:hbz:466:1-56193)

DCLXXXVIII. Otto, Herr von Dänemark und Herzog von Estland und Laland, läßt mit Zustimmung seines Bruders, zur Mitgift für Margaretha, seine Schwester, dem Markgrafen Ludwig von Brandenburg das Land Reval mit der Stadt Reval auf, am 6. October 1333.

In Nomine Domini Amen, Nos Otto, domicellus danorum, Estonie et Lalandie dux, omnibus ac singulis, ad quorum notitiam presentes litere peruenerint, salutem in domino sempiternam. Pertuso sacco res immittitur, si gesta hominum sine scriptis soli memorie committuntur. Omnibus itaque presentibus et futuris cristi fidelibus cupimus in perpetuum fore notum et literas per presentes recognoscimus et publice profiteamur, Quod cum illustri woldemari consensu, fratris nostri predilecti, ac matura deliberatione nostrorum fidelium prehabita, illustri ac magnifico principi, domino Ludouico marchioni brandenburgensi, sororio nostro dilectissimo, ob aspectum matrimonii, quod cum nostra predilectissima sorore margareta contraxit, nomine dotis seu pro dote ejusdem sororis nostre assignamus atque damus terram reualiensem, scilicet castrum et ciuitatem Reuale, ius presentandi episcopum et quidquid iuris ad ipsum Episcopatum habemus Reualiensem, wesenberge castrum et ciuitatem, Narwe castrum et ciuitatem, in Estonia sitas, et omnes municiones, que in illa terra sunt, quocunque nomine censeantur et nominentur, opidaque, allodia, villas, vicos et quecunque seruitia vrbano- rum, dextrariorum, rusticorum et curruum, que de consuetudine vel de jure inibi existerunt, existunt et existere poterunt in futurum, cum pascuis, pratis, paludibus, mericis, nemoribus, agris cultis et incultis, aurifodinis, argentifodinis, cuprifodinis ac quibuscunque metallorum aliorum fodinis, si que sunt in presenti vel que fieri poterunt in futurum, cum lignis, siluis, venationibus, aquis, molendinis et aquarum decursibus, theloniis, monetis, iurisdictionibus in basso et in alto et super majoribus excessibus et minoribus et emendarum utilitatibus, piscationibus et tractibus marinis, redditibus, iuribus patronatus et quibuscunque obuentionibus et meliorationibus prouenientibus et que prouenire poterunt in futurum ab ipsa terra et a prenomminatis possessionibus spectantibus ad ipsam terram, cum iuribus proprietatum et possessionum optinendam, prout nostri predecessores reges dacie ejusdem regni habuerunt predictam terram ac cum ipsa terra omnia et singula premissorum et prout ad ipsum regnum dacie eadem terra et hujusmodi possessiones pertinebant. Adicimus quoque in amplius quod hujusmodi terra Reualiensis, castrum et ciuitas Reuale, ius presentandi Episcopum et quicquid iuris ad ipsum Episcopatum Reualiensem habemus, Wesenberge castrum et ciuitas, Narwe castrum et ciuitas et alie possessiones cum proprietatibus ipsarum ad ipsum regnum dacie nullum respectum habeant deinceps, nec debeant aliquo jure nomine ipsius regni repeti aut in perpetuum ad ipsum regnum deuolui, nisi presatus Ludouicus marchio brandenburgensis, sororius noster dilectus, aut sui heredes, aut illi, quibus ille vel illi venderunt, donauerunt aut permutauerunt terram Reualiensem, nobis aut nostris successoribus de eorum bona voluntate venderent aut aliquo alio modo terram dimitterent supradictam; sed quod ipse Ludouicus, Marchio Brandenburgensis, sororius noster, ad suos heredes legitimos successores eandem terram et omnia, que limitibus ipsius terre adscribuntur, quocunque nomine deuoluere habeat et possit pleno jure, et vendere, donare aut pro sue voluntatis arbitrio per-

mutare in quemcunque usum, aut transferre in quemcunque vel ad quoscunque, cujuscunque conditionis et status fuerint, et libere et quiete possint ipse sororius noster aut sui successores legitimi, si quando ipsis videbitur expedire. Si etiam homines dicte terre cum omnibus munitionibus ad dictam terram spectantibus, ut premissum est, se cum eorum bona voluntate ad illustrem Marchionem Brandenburgensem Ludouicum, sororium nostrum dilectum, vel ad illos, cui vel quibus dictam terram dare, vendere vel permutare vellent, diuertere nolent, extunc cum omni nostra potentia, qua possumus, artare volumus, ut sibi suisque veris heredibus, cui vel quibus dictam terram dederit vel permutauerit, obediant ac omagium faciant, tanquam suo vero ac legitimo domino ut tenentur. Promittimus etiam presentibus data fide ac sincera, quod quam primum ex omnipotentis dei gratia in reges dacie uncti vel coronati fuerimus, extunc ipsi Ludouico, marchioni brandenburgensi, sororio nostro karissimo, illi vel illis, cui vel quibus dictam terram dare, vendere aut permutare decreuerit, presentes literas debemus et volumus cum omnibus suis articulis superius expressatis innouare, renouare, omni dolo excluso, cum per ipsum vel per ipsos fuerimus requisiti. Vt hec omnia et singula premissa a nobis et a nostris successoribus firmiter ac inuolabiliter obseruentur, presentes literas nostri sigilli munimine iussimus ac fecimus roborari. Testes huius sunt nobilis vir dominus Laurentius regni dacie dapifer, strenuus miles C. dictus preyn, honorabilis vir dominus gerhardus, terrarum Errie et Doslandie prepositus, nec non Syfridus de Orebür nostre curie Marschalkus, boetius dictus valke, Johann dictus becker, nostre terre lalandie aduocatus, frendo filius koruli et alii quam plures fide digni. Datum Saxcopingin, anno domini M^o. CCC^o. XXXIII^o. quarta feria ante festum beatorum martyrum Dyonisii et sociorum eius.

Nach dem Copialbuche des Geh. Kab.-Archives I. C. 4 in quarto. Bl. 20. Fehlerhaft abgedruckt bei Gercken Cod. I, 153.

DCLXXIX. Otto, Herr von Dänemark Herzog von Estland und Laland, überweist den Markgrafen Ludwig von Brandenburg, in Rücksicht auf dessen Vermählung mit der Prinzessin Margarethe von Dänemark, das Land Reval, am 6. October 1333.

NOs Otto, dei gratia danorum domicellus, Estonie et Lalandie dux, omnibus cristi fidelibus, presentibus et futuris, ad quos presens scriptum peruenerit, cupimus in perpetuum fore notum, Quod cum mero ac libero consensu Illustris woldemari, fratris nostri predilecti, Illultri ac magnifico principi et domino, domino Ludouico, marchioni brandenburgensi sororio nostro karissimo, ob aspectum matrimonii, quod cum predilectissima sorore nostra Margareta contraxit, dimissimus et presentibus dimittimus atque resignamus terram Reualiensem, (jus) presentandi episcopum et quidquid juris ad dictum episcopatum habemus et omnes et singulas munitiones, que in illa terra sunt, cum omni iure, libertate et proprie-